

B. C. D.

RECTORE MAGNIFICENTISSIMO,

**DN. FRIDERICO AVGVSTO,**

ELECT. SAX. HERED. ETC.

DISSERTATIONEM MEDICAM INAUGURALEM,

DE

*Dupl*

**PODAGRAE**

**PRAESERVATIONE,**

EX AUCTORITATE

Illustris ac Gratiosissimæ Facultatis Medicæ,

*PRÆSIDE*

**DN. PAULO GOTTFR. SPERLINGIO,**

Med. Doct. & Botan. P.P. longe Celeberrimo, nec non Archiatro

Principis Servestani Splendidissimo, p. t. DECANO

Spectatissimo,

*DOMINO AC PATRONO SVO SUMME DEVENERANDO,*

**PRO LICENTIA**

GRADUM ET PRIVILEGIA DOCTORIS

RITE LEGITIMEQUE CONSEQVENDI,

PUBLICÆ PHILIATRORUM CENSURÆ SUBDIT

**MICH. FRIDERICUS BOLDUANUS,**

Cöslin. Pom.

Ad d. XXIV. Maj. M D CC VIII.

*IN AUDITORIO MAIORI,*

HORIS ANTE ET POST MERIDIEM CONSVETIS.

---

VITEMBERGÆ, LITERIS CHRISTIANI GERDESII.



ON THE 10th DAY OF JANUARY 1871

THE COURT OF COMMONS

IN SENATE

FOR THE YEAR 1871

THE HOUSE OF COMMONS

IN SENATE

FOR THE YEAR 1871

THE HOUSE OF COMMONS

IN SENATE

FOR THE YEAR 1871

THE HOUSE OF COMMONS

IN SENATE

FOR THE YEAR 1871

THE HOUSE OF COMMONS

IN SENATE

FOR THE YEAR 1871





I. N. I.

§. I.



Uoties opem Medicam anxie implorant Podagriconi, toties fere oleum & operam perdere Medicos observamus, cum, in rebelli hocce malo, sæpe selecta remedia, in opprobrium Artis, nequicquam exhibeantur. Hujus vero rei causa non in Arte est quærenda, quæ, juxta Hippocratem, omnium est nobilissima, sed in ægro later, qui vel sero' petit auxilium, ætate jam inclinante, humoribusque corruptis, vel diætæ regulas non servat, & genio indulget, atque affectibus animi nescit imperare. Quandoque Parentes non parum ad hunc affectum conferunt, & ægri hæreditario jure malum possident, quod intimis hæret medullis, &, vel hoc nomine, non facile potest extirpari. Ne tamen omni ope destitutos, prognostico quasi, relinquam Podagricos, in eam curam incumbam, ut ex parte feram suppetias &, loco inauguralis speciminis, in morbi genium inquiram, atque selecta remedia breviter recenseam. Quia ve-



ro, juxta Chrysologum, magis acceptus est Medicus, qui anticipat morbos, quam qui eos, post perpeſſos multos dolores, ſerius demum tollit; ideo de Præſervatione Podagræ, ſaltim hac vice, ero ſolicitus, imprimis, cum durante Paroxyſmo, communiter ita dicto, pauca remedia locum inveniant, & ſæpe ſola diaphoreſis ſufficiat. Jubeat *Divinum Numen*, ut in ſolatium agrorum cedat labor, & rebelle malum, vel extirpetur penitus, vel ſerius ſaltim redeat, & cum minori moleſtia affligat, quod facilius poteſt impetrari.

§. II.

Antequam vero ſolidam præſervandi methodum tradam, neceſſe eſt, ut, in quo morbi indoles conſiſtat, oſtendam, & accurate exponam, ex quibus cauſis oriatur. Hoc dum aggredior, monendum prius Lectorem eſſe cenſeo, me non tam de Arthritide in genere eſſe ſolicitum, quam peculiarem iſtum pedum dolorem mitigare, vel potius præſervare velle, qui circa pedum articulos exoritur, & cum tumore, rubore atque calore, communiter, conjungitur. Quanquam enim Podagra nihil aliud, quam Arthritidis ſpecies & particularis pedum Arthritis ſit; ob quam cauſam, Vulgus pariter atque Eruditi, Podagram & Arthritidem pro iisdem habent affectibus, imprimis cum ex eadem cauſa oriuntur & iisdem fere remediis indigeant, ſæpe invicem ſæpe excipiant, ut modo Arthritis præcedat, modo ſequatur; tamen quia Podagra etiam ſola, non nullos ægros, per omnem vitam affligit, & ab Arthritide non tantum ratione partis affectæ, ſed etiam ratione gradus differt; ideo illam magis ſolam, hac vice, arcere & diſpoſitos ab eadem præſervare, in animum induxi. Interea non negaverim hoc modo de eadem fidelia, quod



quod ajunt, duos dealbari parietes, & dum Podagram non admittere laboramus, etiam Arthritidem profligari, cum omnia, quæ massam sanguineam purificant & salia ejus detergunt, utrique affectui conveniant.

§. III.

Est autem Podagra dolor pedum plerumque acutus, circa articulos, & potissimum pollicem pedis majorem, communiter cum rubore tumore atque calore conjunctus, a vitioso spirituum motu in parte dolente dependens, quem violenta contractio & irritatio ligamentorum, quæ articulos vinciunt & ipsius periostei circa articulationes excitant. Dolor hic adeo sæpe est acutus, ut operosi sint Practici, in ejus indole describenda, & eum modo pungentem, modo lacerantem, modo pulsanter appellent, & quandoque etiam per ardorem soleant exprimere. Illud tamen aliquale ægris his affert solatium, quod, sicuti juxta *Senecam*, nemo diu valde dolet; ita hi quoque dolores non perpetui sint, nisi in inveterato malo quodammodo; sed communiter per Paroxysmos redeant, ac verno & autumnali tempore magis affligant, atque statim quasi tempore moveantur.

§. IV.

Sicuti vero in Arthritide dolor plures articulos simul & ipsum quandoque sternum, vertebrae colli, scapulas atque nasum occupat, & in Chiragra manus, in Gonagra genua, in Ischiadico malo coxendicis sive ossis Ischii regionem afficit; ita in Podagra pedes unice, circa articulationes ossium, infestat. Ex acerbitate autem doloris, qui communiter valde acutus est, facile possumus judicare, partes magis sensiles, præ aliis hic laborare, & quidem circa articulos positas, quales

A 3

sunt,



sunt, ligamenta membranacea, articulos colligantia & ipsum periosteum, in locis ossium articulationi proximioribus. Est enim periosteum membrana ossibus superexpansa, acutissimo sensu prædita, vasisque varii generis exornata, ex fibris musculorum & dura matre, juxta Haverum, constructa. Quia vero fibræ hujus periostei per ipsam ossium substantiam penetrant, & ab una ossis extremitate versus alteram tendunt, atque musculorum quoque tendines, ad periostea propagantur, vel ipsis ossibus inferuntur; ideo ipsa quoque ossa ac musculorum tendines affici ac una pati, non est improbabile. Ipsa etiam Lympha illa roscida, dulcis ac gelatinosa, quæ ossium articulationes, instar axungiae, oblnit, & motum membrorum faciliat, a statu naturali cum tempore secedit, & acris ac salsa evadit, atque circa articulos colligitur, & cum tempore concrescit, ac, in consummata Podagra, in tophos & cretaceam gypseamque materiam coagulatur, nodosque intra articulos excitat & motum membrorum sufflaminat. Tota quoque massa sangvineæ non omni labe caret, sed materialem causam continet, eamque, certis temporibus, ad pedes dimittit, ut non plane errent, qui dicunt, non in pedum articulis tantum hæere podagram, & licet dolentem partem abscideris, podagram proinde non æque sanaveris. Sæpe etiam Ventriculus fundamenta mali ponit, si non exacte alimenta solvit, & partes terreas & salinas, a ferosis dulcibus, non secernit, chylumque crassum generat.

§. V.

Oritur autem, acutus hicce pedum dolor, a motu lymphæ nervorum spirituosæ vitiato, quem in parte dolente, violenta contractio & irritatio partium admodum



dum sensibilem, circa articulos, & inprimis ligamentorum membranaceorum, quæ articulos vinciunt, ipsiusque periostei, circa articulationes, & potissimum circa pollicem pedum majorem, excitant. Contractio autem ista violenta & irritatio partium membranacearum atque periostei, a salibus & eorum spiculis acutis dependent, quæ partes istas sensiles affligunt, & Lympham nervorum spirituosam vitiose exagitant. Qualia vero illa sint salia, acidane, an alcalia, vel enixa, quæ dolorum horum causa materialis existunt, non æque prompte potest determinari. Enixa eadem esse, videtur probare spiritus, quem ex sputo podagrici consummati, in calcis consistentiam ficcato, destillavit *Kerkringius spicileg. anat. obs. 82. p. 67.* qui inter spiritum tartari & salis ammoniaci, quodammodo medius fuit observatus. Quia tamen etiam oleum foetidum, oleo tartari simile prodiit, & ex capite mortuo sal, a sale tartari non longe abludens, fuit extractum, ideo magis ad alcalia videntur inclinare. Hanc opinionem quoque tuetur Dominus *Colbatch*, Medicus & membrum Regii Medicorum Collegii, quod Londini est, qui, in Podagra, omnem culpam in alcali congerit, & huic sævissimos ejus dolores acceptum fert, atque ad experientiam provocat. Observavit enim serum Podagra laborantium, mixtum cum solutione syrapi violarum, semper colorem cæruleum in viridem, ut salia lixiviosa aut volatilia solent, non in rubrum, convertere. Tophos etiam ac nodos podagricorum ex materia alcalica, omnium consensu, esse conflatos affirmat, & ideo dolorem quoque podagricorum, ab extravasato humore alcalico, membranas juncturarum irritante, deducit, inprimis, cum sanguis podagricorum majori copia



copia salium alcalium, quam sanorum hominum gaudet. Contra qui Ettmüllerum, Tachenium, Sylvium & qui hos sequuntur, audiunt, illi ab acido volatili spirituofo, fui generis & specifici faporis, membranaceas partes affligente, non minus Arthritidem, quam Podagram deducunt. Huic vero opinioni nos quoque, quodammodo, favemus, & acidum sal in podagra, præ aliis, accusamus, alcali vero, quod conjungitur, se magis passive habere arbitramur. Quanquam enim & acida & alcalia salia, in massa sangvineâ & partibus fluidis corporis nostri hærentia, per motum istum continuum, quo partes fluidæ in nobis gaudent, intimius inter se misceri, & ita in enixa abire videantur, ut nec acidum, nec alcali, sibi relictum, in nobis superstes esse videatur; contrarium tamen nobis persvadent odores varii corporum viventium & eorundem excrementorum, non minus, quam salia volatilia, magnam partem sibi relictâ, in cornibus & ungribus brutorum, ex eorum massa sangvineâ separata. Ex juvantibus quoque & nocentibus suspicari licet, acidum in arthriticis & Podagricis prædominari, quia acida his ægris maxime nocent, & paroxysmos accelerant, cum contra alcalibus arceantur, & ægri iisdem restituantur. Ad hanc rerum magistrâ quoque provocat Dn. *Tutbill*, qui Domino *Colbatch* non contemnenda dubia circa suam hypothesin de alcali podagræ causa movet, acidaque noxia, alcalia proficua observat, atque insuper ostendit, alcali in sero humano, etiam benevalentium, syrupum violarum, eodem modo viridi colore inficere. Salia itaque acida præ aliis lege circulationis, ad sensiles istas pedum membranas delata, & certis temporibus ibi stagnantia, spiculis suis acutis, eas lancinant & pungunt, atque



atque hoc modo efficiunt, ut fibræ earundem vitiose contrahantur, & spiritus, in iis hærentes, præter naturam commoveantur. Ex hoc autem vitiato lymphæ spirituosæ motu, anima dolorem percipit, quæ, pro vario fluidi hujus nervei motu, varie afficitur. Interim non negamus, terreas quoque & alcalicas partes acidis diversimode, pro ratione subjecti, esse admistas, & non plane eandem acidi, nerveas partes pungentis, in omnibus Podagricis esse misturam. Placet itaque in tantum Helmontius, qui in Tr. de Lithiasi dicit: si particularum ad partes influentium figuras, modo pyramydales, modo cubicas, sphæricas & sexcentas alias, exactius examinaremus, forsitan plures, quam nonaginta, podagræ differentes species possemus numerare.

#### §. VI.

Quocunque interea misceatur modo materia peccans, ex Massa sangvineâ tamen omnis est repetenda, quæ cum lymphâ sua, a blanda ista dulcedine, qua in naturali statu gaudet, multum decedit, & salia copiosa, multasque partes terreas adsciscit, & cum successu temporis, crassior & ad motum redditur inidonea. In primis lymphâ, quæ salia, in massa sangvineâ hærentia, promte recipit atque solvit, præ aliis inquinatur & in motu suo turbatur, si impura est, atque in reditu ad massam sangvineam, ubi ab arterioso sangvine fuit separata, moras nectit in partibus potissimum exterioribus. Ibi vero salia, quæ secum vehit, partibus membranaceis, valde sensibilibus illiduntur, quæ inde contrahuntur & lympham nervorum spirituosam, in iis hærentem, vitiose exagitant.



Hoc autem partium fluidarum vitium, & salinum hoc atque terreum lutulentum earundem inquinamentum, sæpe a parentibus liberis traditur, & hereditate miseris obvenit, atque cum materno lacte exfugitur, & cum innocenti foetu communicatur. Testatur enim experientia, podagricos liberos sibi similes procreare, & hypochondriacorum, scorbuticorum atque calculosorum infantes podagræ, præ aliis, esse obnoxios, quia Massa eorum sanguinea copiosis partibus salinis atque tartareis est inquinata. Hinc Ettmüllerus nobilem curavit juvenem, qui ab octavo ætatis anno podagra laboravit, quod parens ejus podagricus, in ipso paroxysmo, eum genuerat. Hæc itaque progenies, præ aliis, præservatione indiget, quæ, si in tempore in usum vocaretur, notante etiam Plutarcho, longe foret efficacior, quam ubi malum per longas moras invaluit. In aliis cum tempore partes excrementitiæ in corpore cumulantur, & serum dulce cum ætate, variis modis dissipatur, acescente parte residua; unde senes huic affectui magis sunt obnoxii, cum juvenes ob serum dulce copiosum atque roscidum, magis sint immunes, imprimis ante Veneris usum, nisi gravior causa præcefferit.

Corripiuntur etiam magis mares, propter errores graviores in diæta, quos committunt; cum contra fœminæ magis immunes sint, partim propter abstinentiam, partim propter partes serosas dulces copiosiores, quibus præ maribus communiter abundant, quæ spicula salina, si quæ colligunt, obtundunt. Deficientibus tamen mensibus, juxta Hipp. aphor. 20. non plane sunt immunes. Imo hodie etiam, antequam menses desinunt,



nunt, corripuntur, quia non natura, sed vita & diæta earum quandoque est immutata, & Hippocratis locus saltim sub prisca ævi innocentia, & temperantia obtinuit. Non minus Evnuchi, qui olim a podagra liberi judicabantur, ob parentum vitia, & errores proprios, quos totum genus humanum indies cumulat, contra Veterum experientiam, quandoque corripuntur.

§. VIII.

Ex nonnaturalibus rebus, ad podagram inducendam, multis modis concurrit Aer frigidus, nebulosus, humidior & crassus, qui tam ob anni tempus vernum ac hiemale, quam ob regionis situm, poros occludit & transpirationem liberam sufflaminat, atque partes salinas ac terreas in corpore cumulat. Ob hunc Aeris statum, plerumque, statis anni temporibus, inprimis circa veris & autumnii initium, mense Januario Februario & Martio, it. in fine Septembris atque Octobris, redire solent paroxysmi podagræ, ut tunc temporis hi ægri, omnium maxime, remediis indigeant. Hinc etiam Chorus apud Lucianum in Tragopadagra p. 690. canit:

Quum vere tenuis pullulat flos ulmeus,  
Merulaque ramis infidet loquacula,  
Sagitta in Myrtis tunc acuta figitur,  
Subitque clanculum artuum penetralia.

Non minus alimenta podagræ occasionem præbent, si sint acida, nimis salita & fumo indurata, quia serum dulce inquinant & humores salibus suis inficiunt. Imo alimenta laudabilis succi, si in nimia quantitate ingurgitantur, non omni culpa carent, quatenus actionem Ventriculi turbant, & exactam alimentorum solutionem impediunt. Inde vero cruditates exoriuntur, &



centra ingestorum non exacte solvuntur, & multæ partes serosæ dulces, cum inutilibus mixtæ, ad intestina crassa deferuntur; cum contra aliæ excrementitiæ inutiles, terreæ atque acidæ, cum chylo mixtæ, ad massam sanguineam delabuntur. Sæpius etiam excessus in potu stomachi vires frangit & cruditates generat, atque largior usus vini, tam generosi, Hungarici, quam acidi, inprimis recentioris, ut & spiritus vini usus immoderatus, tartarum in corpore cumulant & lympham acescentem generant. A larga enim vini ingurgitatione sæpe extraordinario tempore recidivat malum, cum contra abstinencia a vino, quosdam a podagra liberaverit.

Vigiliæ quoque, ex industria susceptæ, & lucubrationes nocturnæ, ac meditatio, atque curæ non interruptæ ac sollicitudines, lympham nervorum spirituosam dissipant & totum corpus debilitant, atque ventriculi actionem potissimum turbant, evocatis spiritibus in laborantis cerebri subsidium.

Motus quoque corporis nimius & intempestivus, nimis cito post cibum sumptum institutus, solutionem alimentorum in ventriculo vitiat, atque cruditates generat, quatenus Chylus quasi crudus in vasa præcipitatur, & lymphæ dulcis nimium dissipatur: quies contra nimia atque desidiosa, ita: vita sedentaria, humores excrementitios in corpore cumulant, transpirationem liberam inhibendo, & humores ad stagnationem disponunt. Hinc Podagræ magis sunt obnoxii, qui laute vivunt, & otio vitam tranfigunt, quam agricolæ, & qui laboribus assueverunt.

Consuetæ quoque sanguinis evacuationes suppressæ, & alvus segnior, atque urinæ insufficiens secretio, & transpira-



spiratio inhibita, salia & terreas partes in corpore cumulant, & eo nomine in causarum numerum sunt referenda. Contra sudores nimii, & excessus in Venere, lympham dulcem imminuunt, & rorem blandum nervis subducunt, partes vero impuras crassas in corpore relinquunt & totum corpus debilitant.

Affectus quoque animi, inprimis ira & mœror, nimium exagitant lympham nervorum spirituosam, atque dissipant, totumque corpus debilitant, & sæpius paroxysmos podagricos accelerant. Hinc Bacchum patrem, Venerem matrem, & iram obstetricem Podagræ, vulgus solet nominare. Quanquam enim gravioribus animi affectibus & subitanea consternatione quandoque sublata Podagra fuerit notata, hoc tamen saltim per accidens factum fuit, quatenus nimia spirituum exagitatio humorum vitiosorum in pedibus stagnationem sustulit.

Ex rebus præternaturalibus ad Podagram disponit, Malum Hypochondriacum, Scorbutus, Calculus, Arthritis, qui affectus omnes simili impuritate sanguinis salina & terrea gaudent, unde debilitatis quocunque modo pedibus, a frigore, luxatione, vel alia quacunque causa, materia circa pedum internodia subsistere, & podagram potest excitare. Non minus ventriculi debilitas, febres intermittentes, & inprimis quartana, it: continuæ, Gonorrhoea, Lues Venerea & omnia, quæ serum dulce imminuunt, & partes fluidas corporis impuritibus terreis inquinant, ad podagram disponunt. Rarum vero est, quod per contagium propagetur podagra, quale quid per vestes in Eph. German: dec. 1. an. 6. p. 205. ut & apud Bartholinum Histor. Med. c. 9. notatum legimus.



§. IX.

Sicuti vero certa anni tempora & aëris status crassus, humidus ac nebulosus, Medicum, de imminente podagra, certiores faciunt; ita eadem sæpe aliis quoque symptomatibus, paroxysmum præcedentibus, se manifestat. Ut plurimum de molestia & anxietate circa præcordia queruntur, & cruditates in primis viis persentiscunt, flatibusque excruciantur, quæ totius corporis gravitas atque torpor comitantur: alvus vero communiter evadit segnior, & totum corpus transpiratione libera, atque pedes consveta humiditate destituuntur. Quidam oscitatione frequenti exagitantur, & magis iracundi sunt, atque in Venerem proni, acidisque alimentis delectantur. Succedunt postea spasmodicæ pedum contractiones, quæ sensim excipit dolor, ut plurimum circa pollicem pedis majorem, qui ab initio saltim in uno pede est molestus, & cum successu etiam alterum pedem occupat. Si sæpius dolor hicce redit, & ægri diætæ regulas non observant, atque selectis remediis non utuntur, malum, cum tempore, alia membra, genua, brachia, &c. affligit, & in perfectam arthritidem degenerat. Dolor vero communiter est acutus, pro ratione diætæ, & medicamentorum assumptorum, atque ætatis & causarum graviorum. Sæpe etiam cum tumore œdematoso, rubore, calore & pulsatione circa articulos, & potissimum pollicem pedis majorem, dolor hic conjungitur. In incremento ægri anxii sunt circa præcordia, & de ardore & æstu circa regionem stomachi, atque gravissima siti queruntur, & potum frigidum appetunt. Appetitus vero solidorum communiter penitus est prostratus, & interdum Vomitus unus vel alter, aut inanis



nis saltem vomendi conatus affligunt, quæ anxietates exacerbant, & quandoque cum animi deliquio conjunguntur. In inveterato malo, quandoque in principio & incremento, animi deliquium conjungitur, quod tamen in statu, ubi dolores & tumor increvere, sæpe penitus remittit. Accedit etiam utplurimum febris continua symptomatice, quæ cum horrore incipit, calore atque vigiliis insequentibus. Cito tamen & in statu, ubi materia peccans ad pedes est propulsa, iterum remittit, & ad febres catarrhales, a quibusdam, refertur.

§. X.

Ex hætenus itaque dictis facile intelligimus, Præ-servationem podagræ perquam esse difficilem, imprimis si fuerit inveterata & æger cum ea senescat, atque paroxysmi crebrius redeant ac vehementius affligant. In his enim vestigia sui in pedibus relinquit, & articuli debilitantur, & motus eorum multum imminuitur, ac tandem in paralyticam constitutionem, atque nodosam podagram abit, ubi intra articulos tophi & nodi concrescunt, qui motum eorum impediunt. Ibi vero pedes flaccescunt, nutritione eorum deficiente, & contrahuntur circa articulos, rigidique permanent, quam consummatam podagram tollere aut præservare nescit Medicina. Non facile quoque præservantur, qui ex hæreditate podagra laborant, ut & hypochondriaci aut scorbutici, quia tota horum massa sanguinea impuritatibus salinis & terreis est inquinata. Eodem modo parum proficies, in illis, qui diætæ regulas non servant, cibisque acidis, salitis & fumo induratis utuntur, & in usu vini ac spiritus vini, aut in Venere excedunt, atque ab ira sibi non possunt temperare. Selectissima enim remedia illis frustra exhibentur & expectationi non



non satisfaciunt, licet omnem lapidem moveas, & nihil relinquas intentatum. In quibus etiam paroxysmi sæpius repetunt & ægros diutius affligunt, ac postea langvorem diuturnum post se relinquunt, illi non facile præservantur, & in cachexiam, aut hydropem facile incidunt, ipsiusque mortis periculum subeunt. Licet enim in se non sit morbus lethalis podagra, si recte tractetur, & sæpe senescant, qui ea laborant, & potius, ex podagra deficiente, quam ordinarie repetente, multi moriantur; si tamen sæpius redeunt paroxysmi, & diutius durant, vel repellentibus turbantur, non raro mortem inferunt, alio morbo graviore superveniente. Non etiam facile præservantur, qui in pede luxationem fuere perpesi, quia in illis membranæ, & ligamenta nimis laxantur, & repositum membrum non satis firmant, ut &, quia vasa comprimuntur, & humorum stagnationem excitant. Si etiam plura & graviora symptomata superveniunt, quod ab erroribus in diætâ, vel ab externis repellentibus quandoque fit, & ægri in animi deliquia incidunt, aut anxietatibus corripuntur, aut langvore inconsueto, tunc præservatio est difficilis, & si ad gulam dolores transeunt, sæpe perniciem minitantur. Malum quoque si in colicam, aut epilepsiam mutatur, quod sæpe ab inepta externorum applicatione fit, & diuturnam virium prostrationem, ac langvorem, cum appetitu dejecto, post se trahit, quæ syncope & mors, sæpe excipiunt. Interdum etiam palpitatio cordis item Tussis sicca & Asthma convulsivum ac subinde ipsa mors superveniunt. Si tamen recens est podagra & æger juvenis atque obsequens, non omnis spes salutis est abjicienda. Facilius etiam præservantur, qui nullum adhuc paroxysmum sustinere,



nuere, etiam si a podagricis vel Arthriticis fuerint geniti. Sic novit Dn. Præses Medicum quendam quinquagenarium, a Patre calculoso & Avo arthritico genitum, qui nunquam podagricos aut arthricos insultus sustinuit, quia antiscorbuticis & sangvinem purificantibus sæpius utitur, & diætæ regulas non plane negligit. Si quoque æger restitutionem non præcipitat, & solutionem paroxysmi in lecto expectat, usque dum materia peccans, in parte affecta, per diaphoresin penitus sit discussa, ut nullum sui relinquat vestigium, diutius liber permanet, & si tunc restitutus cito & post primum insultum convenientibus remediis utitur, & exacte diætæ regulas observat, quandoque penitus potest liberari, vel minime paroxysmi differri possunt, & dolores mitigari. Sic Dn. Præses in tantum restituit Generosum quendam Virum, qui antea per tres annos hyberno tempore, per quinque fere menses, a podagra in lecto detinebatur, ut nunc vix intra trium annorum spatium semel, per paucos dies, paroxysmo mitiori laboret.

#### §. XI.

In Præservatione autem ipsa, respiciendum est ad Massam sangvineam & reliquas corporis nostri partes fluidas, quæ causam podagræ materiale continent, & eo est allaborandum, ut partes impuræ terreæ & salinæ, acidæ potissimum, ex iis eliminentur. Roborandus etiam est stomachus, ut chylum dulcem atque purum conficiat, & partes terreas atque salinas acidas, ab utilibus separet, atque ita sangvis novus purior, ac lymphæ magis dulcis generetur. Externe vero pedes sunt roborandi, & contra injurias externas defendendi, atque libera transpiratio in toto corpore, ac imprimis pedibus



dibus, conservanda. Tandem etiam diætæ exacta ratio est habenda, quam, qui negligunt, illi selectis remediis frustra utuntur, & nunquam facile liberantur. Mam Seam & partes corporis nostri fluidas corrigunt, & causam podagræ materiale, terreas ac salinas acidas ejus partes abstergunt & eliminant, ex FONTE CHIRURGICO quandoque VÆ SIO, si sanguis abundat, evacuationes sanguinis consuetæ sunt oppressæ, æger est vini potor, & juvenis, aliaque signa Væ Sem indicantia consentiunt. Si enim aliqua pars materiæ peccantis demitur, residua facilius corrigitur, & sanguini meliori novo paratur aditus, ut promptius admittatur. Si copiosiora adsunt signa Væ Sem indicantia, & imprimis sanguis valde abundat, potest etiam repeti Væ Stio & bis in uno anno secari. Quanquam enim *Stiffertus Tract. de podagra* per venæ sectionem, podagræ causam potius confirmari, quam abigi sibi persvadeat, & *Sydenhamius* quoque ejus usum dissvadeat, & ex frequentiori Væ Sectione podagram in juvenibus citius inveterascere dicat; placet tamen præ his potius *Celsus*, qui *Lib. 4. c. 24. de Medicina* Væ Sectionem inter initia podagræ institutam, sæpe annuam, nonnunquam perpetuam valetudinem tutam præstitisse, asseverat. Confirmat nos ulterius in hac opinione *Feldmannus de Dea Podagra p. 152.* qui senex vertiginosus se ipsum, mediante Væ Sne, per integrum annum, ab utroque malo liberum conservavit, vid. etiam *Pechlini Obs. p. 274.* Illud tamen, circa hanc operationem Chirurgicam, est notandum, quod antequam detrahatur sanguis, præmittenda prius sint ea, quæ primas vias a saburra liberant, ne, quod ibi hæret vitii, intra vasa rapiatur.

Non



Non minus CUCURBITULÆ scarificatæ, ubi pauciora adfunt signa Væ Sem indicantia, quandoque cum fructu ordinantur, & teste experientia, paroxysmos podagricorum arcent, quale quid ex GULDENKLEO in sequentibus allegabimus.

Ipsa quoque *Vesicatoria* atque *Fonticuli* sæpe conveniunt & non sine fructu excitantur, atque paroxysmos arthriticos egregie præservant, quatenus serum acre & falsum evacuant, de quo *Borellus cent. IV. obs. 55.* videatur. A multis quoque commendantur *Cantheria actualia*, qualia, ante paucos annos, duce *Buschbio*, ex *Chinenfium* moxa conficiebant podagrici, & ad ea, tanquam ad sacram anchoram, confugiebant, ac, ne in alium orbem propterea navigandum esset, ex *artemisia*, cujus soboles erat, componebant. Pro novo vero invento habebant hunc urendi modum, licet lini cujusvis ardentis & ranunculi vulgaris atque cotonis vulgaris idem sit effectus, & *Alexandriæ* in *Ægypto* notissima sit illa urendi methodus. Quia vero ustiones tales non morbi, sed paroxysmi saltim, & nequidem hujus semper levamentum sunt, & interdum ulcera profunda excitant, ideo hodie elogia eorum frigent & sensim exolescunt. Per amputationem vero maximi pedis digiti nemo prudens podagram facile curabit, quod quidam doloris impatiens in *Ephem. Germ. d. I. A. 9. obs. 128.* fecisse dicitur, qui deinde a morbo per totam vitam vixit immunis. Nec Illustrissimi illius, cujus ibidem fit mentio, curatio arridet, qui, podagricis doloribus correptus, pedes virgis cædendo ad sanguinis stillicidium, se ipsum liberavit; æque ac tortura magis ad inducendam podagram, quam auferendam videtur idonea, licet hac quoque podagram sublatam fuisse *Hildanus Cent. I. obs. 79.* annotaverit.



## §. XII.

Ex PHARMACIA vero quæ desumuntur sæpe sunt efficaciora, & potissimum ea, quæ per alivum, vomitum, urinam atque sudorem evacuant. Inter hæc LAXANTIA, ante & post paroxysmum, verno & autumnali tempore, sunt utilissima, si materia peccans in primis viis abundat & vires consentiunt. Imo in obesis & iis, qui pleniori victu utuntur & gulæ plus Justo indulgent, singulis mensibus quandoque, si adsunt indicantia, mitiora possunt repeti. Talia sunt ex Aloe & pilulis aloeticis parata, cum rhabarbaro, Mercurio dulci & leni stimulo, ex grano uno vel altero resinæ scammonii vel gialapæ, quam *Borellus l. c.* præ aliis commendat. Optima etiam sunt Infusa laxantia, ex foliis senæ cum rhabarbaro, mechoacanno &c. cum antiscorbuticis, fumaria, cochlearia, raphan. rusticano recentibus, it. cum nervinis, & stomachicis ac aromaticis mista, v. gr. rad. Zedoar. Galangæ, acor. chamedrio, chamæpythio, cinamomo, sem. anis. Fœniculi & similibus. Nimis fortia vero purgantia, quatenus serum dulce imminuunt, ventriculum & totum corpus debilitant, & humores exagitant, non raro paroxysmum accelerant, imprimis, si nimis cito, post vel paulo ante paroxysmum, exhibeantur. A mitioribus vero, cum appropriatis mistis, hoc non est metuendum, inprimis, si ante vel post paroxysmum assumantur, & ubi æger vires recuperaverit. Hoc enim modo, morbi reliquiæ crassæ ac viscidæ, in paroxysmo nondum subactæ, promptius ejiciuntur, ut postea, quod remanet, absorbentibus & appropriatis facilius superetur.

## §. XIII.



§. XIII.

Hinc etiam EMETICA, pro ratione circumstantiarum, quandoque in biliosis & dispositis, loco purgantium conveniunt, si nausea adest, aut oris amarities, atque inanis vomendi conatus, vel unus, aut alter lenis vomitus cum levamine. Laudat ea *Riverius, Hildanus, Mercurialis, Doleus & Feldmannus p. 155.* exempla recenset emeticorum feliciter exhibitorum. Parantur vero hodie unice fere ex tart. emetico, croco metallorum & oxysaccharo emetico *Ludovici*. Cum illis vero nullo modo facimus, qui ægris svadent, ut vina diversa, in magna quantitate, usque ad inebriationem ingurgitent, & hoc modo vomitum excitent, quia hoc modo cruditates ventriculi potius augentur, quam imminuuntur.

§. XIV.

Maxime etiam necessaria sunt DIAPHORETICA & DIURETICA, quæ per cutis spiracula materiam peccantem propellunt, & lympham superfluum, una cum partibus excrementitiis, per vias convenientes evacuant. Hæc enim massam sangvineam ab acidis & terreis impuritatibus liberant, eamque nitidiorem & ad motum magis idoneam reddunt, omniumque humorum subtilisationem promovent. Parantur vero ex salibus volatilibus & fixis, cinnabarinis, succinatis & absorbentibus, ipsisque decoctis lignorum, cum opiatis quandoque maritatis, quæ quia inter appropriata recensuimus, hic in genere sufficiat allegasse. Ipse quoque spiritus lumbricorum terrestrium, rite paratus, rectificatus & compositus, non est negligendus, cum *Ettmüll*: quoque lumbricalia inter Diurectica præservantia a podagra referat. Scarabæis vero, inprimis unctuosus subcœruleis, quos *Borellus cent. IV. obs. 73.* commendat, ficcatosque



igne & abjectis capitibus, alis & pedibus pulverifat ac a granis quatuor ad gr. sex, mane in vino propinat, per tres dies, si non prima aut secunda vice suffecerint, non utor, licet Ettmüllerus eos inter Diuretica referat fortia, quæ cum dolorosa stranguria operentur. Diætæ quoque veterum sudorifera, ubi unice fere decocto quodam lignorum, etiam loco potus ordinarii, utuntur, & a plurimis cibis abstinent, in se quidem non æque noxia, si stomachus eam fert, sensim hodie exolescunt, licet quandoque mediante ea podagra funditus possit extirpari. Qui enim hujus diætæ loco, circa usum appropriatorum, corpus ab aere frigido muniunt, & in lenimadore conservant, melius valetudini consulunt, quam, qui fortiter nimis sudant, & serum dulce dissipant, viresque frangunt & corpus emaciant. Ob hanc rationem etiam volatilia non omnibus conveniunt, quatenus in biliosis, magis turbas dant, & sopitum hostem excitant, unde in illis fixa & temperata absorbentia magis eligenda.

§. XV.

His omnibus subjungenda sunt APPROPRIATA, ex nervinis, antiscorbuticis & absorbentibus parata, quæ cum stomachicis temperatis sunt interpolanda. Talia sunt, spiritus salis ammoniaci simplex & anisatus, spiritus cornu cervi rectificatus, spiritus fuliginis, ebor. formicarum, viperarum, lumbricorum, rectificati. Liquor cornu cervi succinatus, Spiritus Bezoardicus Buffi, sal volatile cornu cervi, viperarum, Essentia castorei, succini, sal volatile oleosum, cinnabaris nativa & antimonii, lapides cancrorum, corallia, cornu cervi philosophicum, ebur sine igne, unicornu animale, perlæ præparatæ, mater perlarum, succinum præparatum, crySTALLUS



crystallus montana, radix ari præparata, sal fumaræ, antimonium martiale cachecticum, pulveres cachectici rite parati, it. infusa antiscorbutica, nervina & stomachica, ex radice acori, galangæ, raphani rusticani, eringii; foliis cochleariæ, nasturtii aquatici, chamædrio, chamæpythio, fumaria, floribus hepaticæ nobilis, cinamomo, cortic. citri, sem. anisi &c. it. decocta ex radice helenii, cichorei, polypodii, chinæ, summitatibus pini, abietis, rasura ligni sassafras, ligni sancti cum carminativis.

His nonnulli jungunt OPIATA, imo quidam ea omnibus aliis præferunt, & varias pilulas, cum extractis nervinis, vel purgantibus, exinde conficiunt, singulisque mensibus propinant & pro maximis arcanis venditant. Tales sunt pilulæ antipodagricæ Rhumelii, surge amice, veni & ambula, dictæ, quæ ex Massa pilularum aloephanginarum & laudano opiato conficiuntur. Enim vero sicuti opiata rite parata, cum appropriatis refracte mista, quandoque, inprimis cum diaphoreticis exhibita, non æque nocent; ita quoque non semper omnibus conveniunt, vid. de abusu Opiatorum in arthritide, ad paralyfin disponente *Ephem. Germ. d. 1. a 4. p. 335. it. Ettmüllerus de Arthritide p. 366. ac de eorum effectu salutari Pechlin. in Observat. p. 274. 275.*

#### §. XVI.

Aliis CURA LACTIS placet, quam etiam DIÆTAM LACTEAM appellant, quia ægris, qui hoc fine lacte utuntur, peculiarem diætam injungunt, quæ etiam satis est necessaria, si laudabilem effectum ab ea velimus expectare. Non etiam promiscue omnibus podagricis est svadenda hæc Diæta, cum scorbuticis, hypochondriacis, cachecticis, & iis, qui obstructionibus viscerum



viscerum laborant, & humoribus acidis in primis viis abundant, lactis usus sæpe maxime noceat. In illis enim facile coagulatur lac, & cruditates ventriculi augentur, torminaque excitantur, & sæpe cachexia ac alia mala inferuntur. Ubi vero ventriculi adhuc aliquale adest robur, & lymphæ in corpore non æque abundat, corpusque est perspirabile, & ægro hoc remedium genus est acceptum, ibi quandoque ejus usus est concedendus. Præmittenda tamen prius sunt, quæ primas vias a saburra humorum, potissimum acidorum, liberant, & stomachica ac carminativa cum lactis usu sunt interpolanda, imo nonnulla, imprimis alcalia & absorbentia, cum ipso lacte sunt propinanda, quia hoc modo coagulatio & corruptio ejusdem inhibetur. Assumendum etiam magis calidum est lac, stomacho vacuo, & ante & post ejus usum ab acidis est abstinendum. *vid. de cura lactis in Arthritide & Podagra Greifselius & Waldschmidtus de cura lactis, podagricorum solatio.*

#### §. XVII.

Non minus moderatus usus Theæ, imprimis cum sale quodam volatili, simplici aut oleoso, animatus, maximo cum fructu in usum vocatur, si stomachus eam fert, & renes aquam superfluum secernunt. Salia enim, in Massa sanguinea oberrantia, aqua calida optime imbibit, & ea ad vias urinarias deducit, & ipsa herba partibus suis alcalinis acidum absorbet & omnes humores corporis nostri dulces & magis mobiles efficit, ut circulum suum promptius continuent. Similem fere effectum potus Caffæ propter aquam calidam edit, ut & propter partes suas alcalinas, quæ pariter motum humorum promovent & salia e corpore eliminant. Quia vero fructus hic, propter ingratum saporem, sine







